

Meeqqat amerluutaat tuniluuttoq (Empetigo) - Angajoqqaanut paasissutissiissut

Meeqqat amerluutaannik tuniluuttoqarsimava? Angajoqqaatut nappaatip tuniluussinnaaneranut pinaveersaartitseqataasinnaavutit. Ilitsersuut atuaruk, meeqqallu tuniluuttumik amerluuteqar-sorigukku sulisut tamatuminnga ilisimatikkitt.

Meeqqat amerluutaat tuniluuttoq

Amerluut tuniluutiasorujussuaq tappiorannartunik stafylokokiugajunnerusunik streptokok-iugajunnerusunilluunniit patsiseqartoq.

Tunillatsinneq

Ikit seerinerinit assaat atortulluunniit aqputigalugit tuniluuttarpoq. Napparsimassutiginaagu tappiorannartunik sorlumminniititsisut tunillaasinnaapput. Tunillaasinnaaneq: Ikit seerinerini qalipaqaqarnerinilu. Tunillatsinnermiit napparsimalerneq: Ullualuit.

Pitsaaliuineq

Assannik eqqiluittitsinissaq inimilu eqqiluisaarluarnissaq nappaatip tuniluutinnginnissaanut pitsaaliunermi pingaaruteqarpoq. Ikit seerisut tappiorannartunik ulikkaarput, meeqqallu mikisut eqqiluisaarnermut paasisimasaqannginnerat peqqutaalluni ikit attorneqartuutarput, taamaattumik pingaaruteqarpoq meeqqat meeqquerivimmiissinnaanerannut maleruagassat malinneqarnissaat – aamma meeraq napparsimavallaanngikkaluarpat.

Nappaammut ersiutit

Amerluut tuniluuttoq toorneerannguanik aappaluttunik erngerlutik seerilersartunik kingornalu sungaarujuttunik qalippertartunik aallarniuteqarajuppoq. Timip sortaaniluunniit amerlertoqar-sinnaavoq, qinngalli qanillu eqqaa ingasannerusarluni. Inoqutiginnut allanut tuniluukkajuttuuvoq.

Nakorsartinneq

Meeqqat amerluutaata tuniluuttup napparsimaveqarfimmiit nakorsagassaasarnera nalinginnaa-suuvoq. Amerluutip seerineranit misissugaq tappiorannartunik penicillin-inut akiuussinnaas-suseqalersimasunik (MRSA) patsiseqartoq paasineqarpat, maleruagassat immikkut ittut atuutsinneqassapput

Meeqquerivimmukaqqinnissaq

Amerluutip tuniluuttup amerlernerit panivitsinnagit qalipailu katatsinnagit meeqquerivim-mukartoqassanngilaq. Nakorsartinneq aallartereeraluartoq amerluut tuniluussinnaavoq.

Meeqqat atuartut assatik asattarlugit eqqiluisaarsinnaanerummata amerlernerit annertuallaanngippata asserlugit atuariartorsinnaapput atuareernermilu paaqqinnittarfiliarsinnaallutik. Eqqiluisaarnissamik ilitsersuilluarnikkut assaallu errortukulanerisigut tuniluuteqqilernissaat pitsaaliorneqarsinnaavoq.